



Jérôme MULAS BENEDETTI

Poète - Parolier - Conteur

Traducteur, en langue corse, de plusieurs Livres de la Bible
Premier Grand Prix de la meilleure chanson corse - Paris 1980
- Dernier auteur de Tino ROSSI -

Casale aschese - 20226 OCHJATANA

4 cour Del Riu - 34080 MONTPELLIER
Tél. : 04.67.03.10.51

Vulete campà pè u sempre in u Paradisu Terrestru ?

1 - Vulete campà pè un sempre in u paradisu? S'è sta brama hé in voi leghjite, studiate è mettite in pratica a Sacra Parolla .

San Ghjuvanni 17 : 3 : *A cunniscenza di tè, u solu veru Diu , è di quellu chè t'ai mandatu [in u mondu] porte à a Vita Eterna .*

Apocalisse 1 : 3 : *Felice quellu chì leghje à alta voce . Felici quelli chì stanu à sente [cù pietà] e parolle di sta prufezia è osservenu e cose in ella scritte ; ecculi l'avvenimenti.*

2 - Riguardu à Ghjesù acquistate cunniscenza .

Deuteronomiu 18 : 18 , 19 : *Eiu faraghju sorge per elli un prufeta cum'è tè in mezu à i so fratelli , è e me parolle e spuneraghju in bocca soia , è ellu li dicerà tuttu ciò ch'e li cumanderaghju . S'è qualcunu ùn stà à sente e parolle chì u prufeta prununzierà in nome meu , Eiu , Ghjevva Diu , u castigheraghju .*

San Ghjuvanni 3 : 16 : *O tamantu ch'ellu hé l'amore di Diu pè u mondu! Ellu hà datu u so Unigenitu Figliolu , affinchè chiunque hà fede in ellu ùn sia distrutt , ma eredi a Vita Eterna .*

Atti 3 : 19 - 23 : *S'è vo vulete chì i vostri peccati sianu sguassati pentitevi è cunvertitevi . Essendu ubbidienti averete da Ghjevva stagione di ristoru . U so Cristu à voi destinatu u vi manderà . Ind'é voi allughjerà fin à u vultà di u dettu di Diu per mandu di i so antichi santi prufeti . Musè hà dettu : “ Ghjevva susciterà per voi , di trà i vostri fratelli, un prufeta cum'è mè . Starete à sente tutte e so parolle . Ogni anima [umana] chì chjuderà l'arechja sarà cumpletamente scumunicata è distrutta .”*

3 - Siate ubbidienti à Ghjevvah è impiegatevi à fà bone è bellissime cose .

Rumani 6 : 17 , 18 , 22 : *Diu sia ringraziatu ! Erate servi di u peccatu , ma avete ubbiditu cù tuttu core à l' Insegnamentu ch'è vi hè statu dat . Avà , essendu stati francati da u peccatu , site stati fatti servi di a ghjustizia . (...) . Ma avà , essendu francati da u peccatu è fatti servi di Diu , avete per fruttu a vostra santificazione è per fine a Vita Eterna .*

4 - Un' siate ghjente scurdaghjola . Ghjevvah dice chè ùn devimu assassinà .

Esodiu 20 : 13 : *Un' devimu assassinà .*

I San Ghjuvanni 3 : 11 , 13 : *Perchè questu hè u Messaghju ch'è v'ete intesu : ch'è no ci tengamu cari l'unu cù l'altu , micca cum'è Cainu ch'è tumbò u fratellu . E' cagione di chè u tumbò ? Perchè chi e so opere eranu criminale è quelle di u fratellu ghjuste .*

5 - Ghevvhah ùn vole ch'è no siamu ladri .

Effesini 4 : 28 : *Ch'è u ladru ùn arrubi più ma , affinch'ellu aghja qualcosa à dà à l'indigente , deve travaglià onestamente .*

6 - Un omu ùn deve nè campà nè dorme cù una donna ch'è ùn hè a so moglia .

Esodiu 20 : 14 , 17 : *Un' devi cummette adulteriu . (...) . Un' devi desiderà a casa di u to prossimu . Un' devi desiderà a moglia di u to prossimu , nè u so servu , nè a so serva , nè u so boie , nè u so sumere , nè alcuna cosa ch'è appartene à u to prossimu .*

I Tessalonesi 4 : 3 : *Diu vole a vostra santificazione . Astenitevi di a Fornicazione .*

7 - Per quantu tempu un omu deveria campà cù a cunsorte?

Genesi 2 : 22 , 24 : *E' Ghjevvah Diu , cù a costa ch'ellu avia tiratu da l'omu , furmò una donna è a cundusse à l'omu .(...) . Perciò l'omu babbu è mamma lascerà pè unissi cù a moglia , è tramindui à campà da sola persona .*

San Matteiu 19 : 4 - 6 : *E' ellu li rispose : “ Un' avete dunque micca lettu ch'è quellu ch'è i creò , da principiu , i fece masciu è femmina è disse : ‘Perciò l'omu babbu è mamma lascerà pè unissi à a moglia , è tramindui à campà da sola persona’ . Cusì ùn sò piu dui , ma unu solu . Ch'è l'omu ùn spicchi ciò ch'è Diu hà unitu ’ ” .*

I Corinti 7 : 2 , 10 , 11 : *Per francassi da Fornicazione ch'è ogni omu aghja a so propria moglia è ogni donna u so propriu maritu . (...) . A' i maritati d'è istruzione , istruzione ch'è ùn sò meie , ma di u Signore : ch'è a moglia ùn si spicchi da u so maritu , ma si ellali tocche a spiccata ch'è ella si ne stia sola o sinnò ch'è ella s'appaci cù u maritu ; è u maritu ùn deve lascià a so moglia .*

8 - S' è no vulemu campà per u sempre in u paradisu devimu dà l'adurazione solu à Ghjevvh .

San Matteiu 4 : 10 : *Allora Ghjesù disse : “ A'a larga o Satà! Perchè hè scrittu: ‘ L'adurazione deve esse data à Ghjevvh é micca à nisun' altru ’ ”*

I Corinti 8 : 6 : *Tuttavia per noi un Diu solu ci hé, u Babbu , da u quale sò tutte e cose, è noi per ellu; è ci hè un solu Signore, Ghjesù Cristu, mediante u quale sò tutte e cose , è noi per ellu .*

Deuteronomiu 27 : 15 : *“ Maladettu quellu chì sculpisce o scaghje in metallu a statua di un idulu per dalli l'adurazione in un locu ascosu . Sti ardegni stazzunati da l'omu sò vergogna per Ghjevvh . Tuttu u populu risponderà : ‘ E' cusì sia ! ’ ”*

I San Ghjuvanni 5 : 21 : *Zitellucci, l'iduli rispinghjiteli .*

9 - Ghjente affiscinata à talismani è portafurtuna à Ghjevvh pocu li garbe.

Deuteronomiu 18 : 9 - 13 : *Quand'è vo sarete intruti in u paese chì Ghjevvh, u vostru Diu , stà per davvi , ùn seguitarete e pratiche vergognose di i populi pagani chì ci campenu. Chì nisunu trà di voi brusgi in sacrificiu un figliolu o una figliola ; chì nisunu pratici a divinazione o cerchi à induvinà u vinente, chì nisunu eserciti a Magia , nè fia Incantesimi, o cunsulti Spiritisti è induvini; chì nisunu cerchi à interrughà i morti. Ghjevvh Ste facende e vumiteghje é pé via di ste pratiche udiose scaccerà sti populi davanti à voi, Cumpurtatevi in modu lecitu cù Ghjevvh , u vostru Diu .*

Apocalisse 21 : 8 : *I falzi, e ghjente senza fedu, l'Abuminevuli, l'Assassini, l'Idulatri, i Fornicatori , i Stregoni è tutti i Bugiardi saranu ghjettati in un Lagu imbrasgiatu di focu è di zolfanu . A Seconda Morte i si piglierà .*

10 - Per ingannacci l'anghjuli gattivi , ribelli à Diu , impieghenu l'umani impii , l'induvini .

Atti 16 : 16 : *Un ghjornu , quand'è no andavanu à l'Orazione , una serva , sott'à l'impresa di un spiritu dimuniacu, spiritu di divinazione, vense à u nostru incontru. Ella i so padroni l'arrichia assai praticendu l'arte di a Predizione .*

11 - A prichera ci permette di parlà cù Diu . Dumandemuli u so aiutu è femuli sapè ch'è no u vulemu serve .

Filippesi 4 : 6,7 : *Un' siate ansiosi di nulla, ma in ogni cosa, cù prichere , invucazione è ringraziamenti , indirizzatevi à Diu . A so pace chì supere ogni pensata furtificherà i vostri cori è e vostre facultà mentale mediante à Ghjesù Cristu .*

12 - Devimu ubbidisce à Ghjesù , u nostru Redentore , è avè fede in ellu .

Ebrei 5 : 9 : E' dopu avè ottenutu a perfezzione hè diventatu , per tutti quelli chì u stanu à sente , garante di Salvezza Eterna .

San Ghjuvanni 3 :16: O tamantu ch'ellu hé l'Amore di Diu pè u mondu!Ellu u so Unigenitu Figliolu ne hà fattu donu , affinchè chiunque crede in ellu ùn sia distruttu, ma aghja a Vita Eterna .

13 - Mai ch'ella sia di scurdacci chì Ghjesù hè mortu per noi .

Rumani 5 : 8 : Cristu invece hè mortu per noi , quand'è no eramu sempre peccatori : questa hè a prova di l'Amore di Diu per noi .

14 - Pensateci sempre . Ghjesù hè u nostru Rè invisibile .

Filippesi 2 : 9: Perciò Diu l'hà suvraneamente inalzatu è li hà datu un nome chì hè al di sopra di ogni nome , affinchè in nome di Ghjesù pieghi ogni ghjinochju in i Celi , nant'à a Tarra , è sottu à a Tarra , è ogni lingua cunfessi chì Ghjesù Cristu hè u Signore , à a Gloria di Diu , u Babbu .

Apocalisse 19 : 16 : E' nantu à u so mantellu , iè , duv'ellu copre a coscia , hà scrittu un nome : Rè di i rè è Signore di tutti i signori .

15- Cari fratelli cristiani , Ghjevva è Ghjesù volenu ch'è vo siate i so Imbasciatori E belle cose ch'è v'ete imparatu sparghitele . Chiunque brame serve à Diu deve esse battizatu .

San Matteiu 28 : 19 , 20 : Andate dunque è fate discipuli di tutte e Nazione , battizenduli in nome di u Babbu è di u Figliolu è di u spiritu santu, amparenduli à tene tuttu ciò ch'e v'aghju cumandatu . E' eccu , eiu sò cù voi in ogni tempu , sin'à a fine di l'età presente .

16 - S'è no vulemu u smeritatu favore di Diu , cum'è Ghjesù devimu predicà a Sacra Parolla .

San Ghjuvanni 4 :7-15: *Una donna di Samaria ghjunse per appruvistassi in acqua. Ghjesù li disse : “ Dammi à beie ”. (I so seguaci eranu andati in cità per cumprà mangnusca). A donna samaritana li disse: “ Cumu casche chì tù, essendu ghjudeiu è sapendu ch'è sò una samaritani, mi dumandi à beie?” (I ghjudei cù i samaritani ùn ci battenu). Ghjesù li risposu: “S'è t'avissi cunnisciutu u gratuitu donu di Diu è quellu chì ti dice: ‘Dammi à beie’, sì tù chì averisti dumandatu acqua, è ellu t'averebbe datu Acqua Viva ”. Ella disse : “ Amicu , ùn ai mancu un stagnone per piglià l'acqua, è a fonte hè prufonda . Da duve a cacci iss'Acqua Viva ? Tù ùn sì micca quantunque più maiò chè Ghjacobbe , u nostru antenatu , chì ci hà datu sta fonte ? Ellu , i so figlioli è u so bestiame si sò dissettati cù st'acqua ”. Ghjesù li disse : “ Chiunque beie st'acqua a sete torna l'averà, ma quellu chì beie l'acqua data da mè a sete mai più cunniscerà: diventerà in ellu una surgente scatulente in Vita Eterna ”. A donna disse : “ Amicu , dammi l'acqua data da sta viventa , affinch'ella mi sia sfrancata a sete è ch'è ùn sia più in l'obligu di vene quì per attinghje l'acqua ”.*

17 - Cù i vostri amici di ste belle cose discurtine .

San Matteiu 10:32 : *Quellu chì ùn teme di dì à l'omi ch'ellu hè unitu à mè, anc'eiu diceraghju à u me Babbu , chì si tene in i Celi , chì st'omu hè unitu à mè .*

18 - Per aiutàllu megliu, à u prossimu, imparateli sempre più à leghje bé .

Il Timuteiu 2:15 : *Essendu servitori di Diu spruvisti di vergogna, è manighjendu rettamente a Parolla di Verita , accatizzate pé avè u cusentu di Diu .*

19 - Ghjesù insegnava ancu i zitellucci . U so da fà un era tamantu per parlà cun'elli .

San Matteiu 19:13-15: *E persone maiò dumandedenu à Ghjesù di pone e so mani nantu à i zitellucci è di pricà per elli , ma i seguaci e trastullavanu ste ghjente . Ghjes ù li disse: “ Lasciate sti sti zitellucci accustassi à mè. U Regnu di i celi hè per quelli chì sò simili à elli ”. Dopu avelli impostu e mani i lasciò.*

20 - A' i figlioli, i genitori duverianu sempre insegnà l'ubbidienza é l'Amore di Diu.

Deuteronomiu 6 : 6 , 7 : *Ste parolle chì oghje ti cumandu stampalle in u to core . Segnale à i to figlioli , intrattenitevi, cun'elli, d'elle quand'è tù sì calatu in a to casa è quand'è tù viaghji per a strada, prima di addurmentatti è quand'è tù ti disceti.*

Pruverbii 6 : 20 - 22 : *Metti in pratica , o figliolu meiu , u Cumandamentu di u to babbu , è ùn abbandunà a Legge di a to mamma . Attacali sempre nantu à u to core, annudali à a to gola . Quand'è tu viaghji, ti guideranu ; quand'è tù dormi, piglieranu a guardia ; è quand'è tù serai svegliatu , raggiuneranu cù tè .*

Efesini 6 : 4 : *E' voi babbi ùn inzercate i vostri figlioli , ma dateli ùn'educazione è un ammaistramentu degni di Ghjevva .*

21 - O quant'elle sò e Religione! Un'sò bibliche a maior parte di e so duttrine .
Ghjevva cumande d'abbandunà e Religione antivere

Apocalisse 18 : 4 : *Poi sentii un'altra voce ch'è venia da u Celu . Ella dicitu : “ Iscite da ella , o Populu meu , s'è vo ùn vulete participà cun'ella à i so peccati , è s'è vo ùn vulete riceve parte di e so piaghje ”.*

San Ghjuvanni 4 : 23 , 24 : *Tuttavia , l'ora ùn tarde , è hè questa : i veri adoratori Daranu adorazione à u Babbu cù spiriti è verità , perchè , veramente , u Babbu cerche tali adoratori. Diu hè un Spiritu è quelli ch'è li danu l'adorazione devenu magnificallu cù spiriti è verità .*

22 - Ghjevva hà nant' à a Tarra servitori ch'è ponu aiutavvi à cunnoscelu
megliu .

Atti 15 :14 : *Simeone hà racuntatu cù minuzia in ch'è maniera Diu , per a prima volta , hà lampatu i so ochji nant' à e Nazione per fà esce da elle un Populu per u so Nome.*

Rumani 10 : 14 , 15 : *Tuttavia , cumu puderanu invocallu s'elli ùn credenu in ellu? E' cumu puderanu crede in ellu s'elli ùn u sentenu? E' cumu puderanu sentelu s'è nisunu u pruclame ? E' cumu puderanu pruclamà s'elli ùn sò stati mandati ? A Sacra Scrittura dice : “ Cusì piacenti ch'elli sò i pedi di l'annunziatori di cose agradevule ! ”*

23 - I Testimoni di Ghjevva – Jéhovah o Yehwa o Yavé in francese - Geova in talianu
portenu a pura è schietta Verità . Praticendu l'Amore l'unu cù l'altru campenu in
pace .

Isaia 43 : 10 , 12 : *Voi site i me Testimoni , dice Ghjevva , iè u me Servitore ch'aghju sceltu , affinché vo mi cunnoscate è ch'è vo aghjate fede in mè , è affinché vo sappiate ch'è sò u solu Diu . Prima ch'è mè ùn fù furmatu nisun diu , è dopu à mè ùn ci ne sarà . Eiu sò Ghjevva , l'Unicu ch'è pò salvà . Eiu stessu aghju dichjaratu è aghju salvatu , è mi sò fattu sente quandu ch'è frà voi ùn c'era diu stranieru . Voi site i me Testimoni , dice Ghjevva , è Eiu sò Diu .*

San Ghjuvanni 13 : 34,35: *Vi dò un Cumandamentu novu : tenitevi cari l'unu cù l'altru ; iè cum'è v'aghju tenutu cari , tenitevi cari l'unu cù l'altru . S'è vo vi tenite cari l'unu cù l'altru ognunu saperà ch'è vo site i me Seguaci .*

24 - I Testimoni di Ghjevvah si sò fatti battizà perchè anu Amore per Diu è per Ghjesù . Publicamente facenu sapè chi a cundotta falita l'anù tralasciata volenu serve à Diu pé u sempre .

Atti 2:41 : *Ghjente assai davanu arechju à e parolle di San Petru, è funu battizate ; circa trè mila persone funu aghjunte à elli .*

25 - I Testimoni di Ghjevvah anu a speranza di campà in u nuvellu è bellu Paradisu Terresru.

Salmu 37 :9,10,29: *I malfattori, saranu smanticati, ma quelli chì sperenu in Ghjevvah a Tarra sana sara soia . Da qui à pocu fora u malfattore ! Ochjarei u locu duv'ellu campava, ed ellu ùn ci sarà più, ma l'umili a Tarra l'eredanu è elli maio pace goderanu.*

26 - Per avè u privileghju di campà cun'elli in u Paradisu cosa pudete fà?

San Ghjacumu 1 : 22 - 25 : *E' siate facitori di a parolla , micca solu uditori, ingannendu à voi stessi cù falzi raghjunaement, perchè, s'è qualcunu hè uditore, è micca facitore , ellu hè simile à un omu chì si fideghje à u spechju ; è dopu essesi fideghjatu ùn si ricorde più di u so aspettu . Ma quellu chì lampe attentamente i so ochji in a Legge perfetta , cioè a Legge di a Libertà , è in ella perdura , ùn sarà uditore smimuratu , ma facitore di l'Opera . A farà felice a so faccenda.*

San Ghjacumu 2 :20-26: *Ma ti curi di sapè, o omu viotu, chì a fede senza l'opere hè inattiva ? Abraamu , u nostru anticu babbu , fù dichjaratu ghjustu per l'opere dopu ch'ellu ebbe offertu u so figliolu , Isaacu , nantu à l'altare . Tù vedi chì a fede operava insieme à e so opere , è chì per l'opere a fede fù cumpiuta , è si adempì a Scrittura chì dice : “ Abraamu ebbe fede in Ghjevvah , è per què Diu u cunsiderò ghjustu ” , è fù chjamatu amicu di Ghjevvah. Voi vedite dunque chì l'omu hè ghjustificatu per l'opere è micca sulamente per a fede . E' cusì Raab fù ancu ellu ghjustificata per l'opere . Sta donna chì facia a vita [cuntrita] accolse l'inviati è i fece riparte per un'altra strada.*

27 Per riceve u sanu Insegnamentu Biblicu adunitevi cù i Véri Cristiani Fendu cusì, diventerete leali servitori di Ghjevvah Diu, u nostru Babbu Celestu e di tu so Figliolu Ghjesù Cristu chì hà datu a so Vita Preziosa per salvà l'omi chì cerchenu Verità , Amore , Ghjustizia , etc ... Vi piacerebbe aiutà numerose ghjente à cunnosce à Diu.

San Ghjuvanni 6 : 45 - 47 : *I prufeti anu scrittu : ‘ Saranu tutti ammaistrati da Ghjevvah’. Chiunque stà tutt'orechja per fà soiu l'Insegnamentu di u me Babbu vene cù mè . Ben intesu , u Babbu nisunu l'hà vistu , eccettu quellu chì vene da Diu ; questu hà vistu u Babbu . A vi dicu in Verità: Quellu chì crede gode a Vita Eterna .*

28 - Ghjevvah è Ghjesù Cristu vi tenenù tantu caru. Volenu ch'è vo campite per u sempre in u Paradisu Terrestu?

San Ghjuvanni 3 : 16 : **O tamantu ch'elle l'Amore di Diu pé u mondu!**
Ellu hà datu u so Unigenitu Figliolu , affinché chiunque esercite Fede in ellu ùn sia distruttu , ma aghja a Vita Eterna .

---/---/---/---/---/---/---/---/---/---

G M B

Carissimi cumpatriotti ,

Ancu in stu mondu pienu di matalasci pudemu truvà a felicità per via di l'esatta cunniscenza di ciò ch'è a Santa Bibbula dice riguardu à Diu , à u so Regnu è à u so meravigliosu prughjettu per l'umanità . S'è vo vulete bone infurmazione in sopra à più , per piacè , scrivitemi . Di rigalu, cù l'aiutu di a Sacra Parolla, sparteremu u pane spirituale , pane datu da u nostru Babbu celestu è da u so caru Missia , Ghjesù Cristu .

Cari cirneani , care cirneane , cristianamente vi salutu .